



INSTITUTO DE INVESTIGACIÓN SANITARIA
SANTIAGO DE COMPOSTELA

CONVOCATORIA 2021 DE EXPRESIÓNS DE INTERESE PARA A INCORPORACIÓN AO IDIS DE NOVOS GRUPOS DE INVESTIGACIÓN

1. Grupos aos que vai dirixida: todos os grupos de investigación do ámbito da biomedicina da Área Sanitaria de Santiago e de Lugo e os grupos da Universidade de Santiago de Compostela, incluídos os grupos vinculados ao Campus de Lugo. Do mesmo xeito, vai dirixida aos grupos Emerxentes ou Asociados Clínicos xa pertencentes ao IDIS que soliciten ser grupos Consolidados.
2. O grupo de investigación terá un/ha “investigador/a líder de grupo”, que desenvolverá a súa actividade científica no instituto, e deberá ser persoal investigador ou clínico adscrito ao Complexo Hospitalario de Santiago de Compostela ou ao Hospital *Lucus Augusti* ou persoal docente-investigador da USC (con ou sen praza vinculada), ou investigadores do IDIS que cumpran os criterios establecidos na guía de acreditación do *Instituto de Salud Carlos III*.
3. O grupo de investigación será a unidade formada por persoal investigador e técnico que contará con liñas de traballo, actividades de investigación, desenvolvemento e innovación cunha traxectoria común, estando definido por unha temática concreta que corresponda cos obxectivos do IDIS, e de acordo coa súa misión, visión e valores.

Estará composto por un mínimo de 3 investigadores/as que teñan vinculación laboral, funcionarial ou estatutaria co SERGAS (adscritos/as ao Hospital Clínico Universitario de Santiago ou ao Hospital Universitario Lucus Augusti), FIDIS ou USC, tendo un/ha a condición de líder, que actuará como responsable do mesmo.

Todo novo grupo deberá identificarse cun nome que responda ás liñas de investigación do grupo e que lle permita diferenciarse doutros grupos do IDIS. Poderá engadirse un acrónimo referido a súa denominación.

A denominación non poderá coincidir coa dunha área de investigación, outro grupo xa existente, nin ser tan xeral como para impedir a creación doutros grupos. Tampouco poderá inducir a confusión con nomes de entidades públicas ou privadas.

O grupo deberá indicar na solicitude a área de investigación do IDIS na que desexe ser integrado (Oncoloxía; Xenética e bioloxía de sistemas; Endocrinoloxía; Neurociencias; Plataformas e metodoloxía; Inflamación).

4. O novo grupo do IDIS deberá estar integrado por investigadores/as cuxa traxectoria investigadora estea e pretenda seguir estando intimamente ligada ao novo grupo de investigación do IDIS (investigadores/as adscritos/as), e por persoal técnico, pertencendo a algunha das seguintes categorías:
 - Categoría R1: Investigadores/as en primeira etapa formativa. Investigadores/as predoutorais beneficiarios dalgún Programa de Recursos Humanos ou contratados con cargo a un proxecto, sempre que o director da súa tese pertenza ao grupo solicitante.
 - Categoría R2: PDI non permanente¹ da USC e investigadores/as recoñecidos/as e persoal asistencial que se atope en fase posdoutoral no SERGAS ou na Fundación IDIS.
 - Categoría R3:
 - PDI permanente da USC.

¹ A efectos desta convocatoria enténdese por Investigador/a Non Permanente da USC a aqueles/as investigadores/as posdoutorais adscritos/as á USC no marco de Programas e Convocatorias Ramón y Cajal, Marie Curie, Investigadores/as Posdoutorais autonómicos, Investigadores/as do programa JIN, Investigadores/as de programas financiados por Fundacións privadas ou programas propios seleccionados en condición de competencia homologable.



INSTITUTO DE INVESTIGACIÓN SANITARIA
SANTIAGO DE COMPOSTELA

- Investigadores/as adscritos á USC procedentes de Programas de referencia como o programa Oportunius-GAIN, ERC e similares ou adscritos/as no eido de Convenios institucionais con Organismos Públicos de Investigación.
 - Profesores eméritos e *ad honorem* da USC.
 - Investigadores doutores do CSIC adscritos aos centros singulares da USC.
 - Investigadores/as establecidos/as do SERGAS e da Fundación IDIS, que teñan superada a etapa posdoutoral.
 - Investigadores/as asistenciais que lideran algún proxecto de investigación obtido en convocatorias competitivas.
- Categoría R4: líderes de grupos de investigación e investigadores/as principais de proxectos que lideran liñas de investigación no centro ao que pertencen e que posúen unha experiencia científica contrastada.
 - Persoal técnico e de xestión.

O persoal poderá formar parte dun único grupo de investigación do IDIS, non podendo pertencer a outro instituto de investigación sanitaria.

No caso de que as solicitudes inclúan a algún persoal investigador, técnico ou estudante da USC deberán acompañar autorización da USC, que solicitarán a través do Vicerreitorado de Investigación e Innovación.

Non se poderá adscribir aquel persoal que manteña colaboracións puntuais co grupo de investigación do IDIS. Estes/as investigadores/as non formarán parte da composición do grupo do IDIS.

5. Prazo de presentación das expresións de interese: do **10 ao 24 de maio de 2021**.
6. Documentación a presentar: a documentación de cada grupo presentarase no formulario anexo, e enviarase por correo electrónico, no prazo indicado, á Coordinación Científico-Técnica do IDIS, na seguinte dirección de correo electrónico: **secretaria@idisantiago.es**
7. Tipos de grupos: poderanse presentar calquera das tipoloxías actualmente contempladas no IDIS, a saber:
 - a. Grupos consolidados.
 - b. Grupos emerxentes.
 - b. Grupos asociados clínicos.

8. Requisitos mínimos para solicitar ser considerado como GRUPO CONSOLIDADO

- a. Ter un número mínimo de 5 investigadores/as adscritos/as.
- b. Ter publicado nos últimos 5 anos polo menos 10 publicacións en revistas do primeiro cuartil, ou no caso de ser menos, ter un factor de impacto acumulado superior a 50. Polo menos o 50% deben estar asinadas polo líder de grupo.
- c. Ter obtido 3 proxectos financiados en convocatorias públicas competitivas con posterioridade ao 1 de xaneiro do 2016, tendo polo menos un proxecto vixente, e no que alomenos un estea dirixido polo líder de grupo.
- d. Ter dirixido polo menos 2 teses doutorais lidas con posterioridade ao ano 2016.



INSTITUTO DE INVESTIGACIÓN SANITARIA
SANTIAGO DE COMPOSTELA

9. Requisitos mínimos para solicitar ser considerado como GRUPO EMERXENTE

- a. Ter un número mínimo de 3 investigadores/as.
- b. O/A investigador/a líder de grupo debe ser doutor/a con vinculación laboral, funcional ou estatutaria co SERGAS (adscritos/as ao Hospital Clínico Universitario de Santiago ou ao Hospital Universitario Lucus Augusti), FIDIS ou USC.
- c. Ter publicado nos últimos 5 anos, polo menos 5 publicacións en revistas do primeiro cuartil ou, no caso de ser menos, ter un factor de impacto acumulado superior a 20. Polo menos o 50% deben estar asinadas polo líder de grupo.
- d. Ter obtido polo menos un proxecto financiado en convocatoria competitiva con posterioridade ao 1 de xaneiro de 2016.

10. Requisitos mínimos para solicitar ser considerado como GRUPO ASOCIADO CLINICO

- a. Ter un número mínimo de 3 investigadores/as adscritos.
- b. O/A líder do grupo debe ser persoal estatutario do SERGAS e a maioría dos membros do equipo deberán pertencer ao SERGAS con funcións asistenciais.
- c. Ter demostrada a participación en ensaios clínicos nos últimos 5 anos.
- d. Ter publicado nos últimos 5 anos, polo menos 3 publicacións en revistas do primeiro cuartil ou, no caso de ser menos, ter un factor de impacto acumulado superior a 15. Alomenos 1 debe estar asinada polo líder de grupo.

11. **Avaliación das expresións de interese:** as expresións de interese serán recibidas pola Dirección Científica, que xunto co Comité Científico Interno do IDIS, emitirá un informe que poderán resolver de forma favorable ou desfavorable. Ademais, no caso das solicitudes de grupos consolidados, será necesario un informe previo por parte do Comité Científico Externo.

No caso de que exista unanimidade na emisión dos informes, e estes sexan favorables, a solicitude será aprobada de forma automática. Se todos os informes foran desfavorables, a solicitude será desestimada.

No caso de haber algunha discrepancia, someterase á valoración do Consello Reitor, quen decidirá sobre a aprobación da integración do grupo.

12. O **informe final** será remitido ao líder solicitante a través do correo electrónico no que tramitou a solicitude.

Santiago de Compostela a 29 de abril de 2021

José Castillo Sánchez
Director Científico do IDIS